




THE DAYBREAK.



"Wankantanhan Anpao kin hiyounhipi"—Luke 1: 78

WOKAJUJU 50 CENTS.

Santee, Neb., Nov.-Dec., 1924

VOLUME XXXVI, NUMBERS 11, 12

SOUTH DAKOTA NIOBRARA DEANERY CONVOCATION WOECON KIN, PINE RIDGE AGENCY, SO. DAK.

August 21, 22, 23, 24, 1924

Thursday, August 21

- 2: 00 p. m. Wawokiya, Catechist, qa Wicaša wakan hena Bishop qa Archdeacon ob mniciyapi. Dr. Ashley Wocekiye wawapi kin on woonspe pazo qa on wkdaka. Ihunnikiya hehan koška wangi, Mr. Wilson Knee he Wawokiya kagapi.
- 5: 00 p. m. Bdaye cokaya hitawacekiyapi. Rev. Clayton Highwolf he wocekiye econ.
- 7: 00 p. m. Bishop, Wošnakağa waawanyaka ob mniciyapi.

Friday, August 22

- 7: 00 p. m. Wotapi wakan icupi. Bishop Roberts yuwakan, qa Rev. Dr. Ashley, Rev. Neville Joyner, Rev. Wm. Holmes hena okiyapi. Icupi kin 85. Womnaye kin \$6.32
- 9: 00 a. m. Hinhanna wacekiyapi, qa dena okiciya econpi, Rev. Dallas Shaw, Rev. Dr. Ashley, Rev. T. J. Rouillard, Rev. Stephen King qa Rev. Charles Bruguier. Hehan Bishop Burleson wkdaka. Taku yamni ayutokeca yaotanin. Rev. Joseph Goodteacher he wanna Cheyenne River Mission ataya Wošnakağa waawanyaka heca kaliniğa. All Saints, Martin, Grace Chapel, LaCreek, qa St. Mary's, Sand Hills, dena Pine Ridge Agency District en unpi tka qon hena wanna Pine Ridge Corn Creek District eciyatanhan Rev. Dallas Shaw toawanyake eciyatanhan unpi tka keya. Hehan Rev. David Clark Crow Creek en Wošnakağa waawanyaka un kin he Lower Brule koya awanyake kta. Tona tapi kin on Bishop wocekiye eya. Womnaye kin \$30.02 henakeca.
- 11: 45 a. m. Convocation woecon kta on eyotanke. Oitancan apiwicayapi. Rev. Wm. Holmes ake itancan yanke kta kalinigapi, qa Rev. L. M. Rouillard ake wowapi kaga kalinigapi. Hehan wanna Convocation waeconpi kta e Bishop Burleson yugan. Wicokaya sanpa kinhan hehan Convocation tawoope ix he apiyapi kta hekta Convocation ehan cajeyatapi qon he hehan on vote econpi kta Dr. Ashley eya, qa iwoklake sniyan on vote econpi kta, eya. Tka iwokdakapi kta cinpi he okna yuſtanpi.
- 12: 00 m. Wicokaya Wotanin waſte on wocekiye. Rev. John Flockhart he wocekiye yawa.
- 2: 00 p. m. Convocation eyotanka. Wicacaje yawapi. Nakun hinhanna waeconpi wowapi kage cin yawa. Wicacaje apiwicayapi kta on dena itancan kin Committee wicakaliniğa, Clement W. Sold-

ier qa Thomas Hunter. Dena tokantanhan hipi on yuonihanyan Convocation opewicayapi kta eyapi qa yuſtanpi. Hipi kin dena eepi, Bishop Beecher, Western Nebraska etanhan, Archdeacon Wells nakun hetanhan, Rev. G. I. Baldwin, Dupree, qa Very Rev. E. B. Wooddruff, Calvary Cathedral, Sioux Falls etanhan kin hena eepi.

Hehan wowapi wan, Rev. David Clark he Convocation Tawoope ix, iuapeinwanka, ayutokecapi kta hekta Convocation ehan owa ahiknake qon yawa. De on iye Mr. Clark tokaheya iwokdaka. Dena iſ omaka iyohi omniciye yuhapi kta cinpi iwokdakapi, John Dogeagle, Mr. Whitewing; Henry Turningholy, qa Rev. Dr. Ashley. Henry Standingbear iſ hekta om kin yutokecapica keya qa Rev. David Clark okiya. Nakun Rev. Neville Joyner he omaka yamni eca mniciyapi kta cin tka qon taku kin de iye Bishop nape en eknakapi kta iyecetu keya. Hehan Dr. Ashley Woope ix kin yawa, nakun Woope x kin yawa. Hehan on vote econpi qa omaka iyohi Convocation heceknanu yuhapi kta he yuſtanpi. De on Bishop Burleson, heceknanu Convocation omaka iyohi yuhapi kta cin nahimana iyukean un qon okna yuſtanpi on pida qa iyuſkin keya kdaotanin.

- 4: 00 p. m. Wicozani on, Pine Ridge Agency en Pejuta wicaša yuhapi kin Dr. McNeil wokdaka. De ohakam Bishop Burleson he, Bishop Beecher Western Nebraska etanhan hi kin he wokdagſi.
- 5: 00 p. m. Htawacekiyapi. Rev. P. J. Doloria wocekiye yawa.
- 8: 00 p. m. Bishop, Wošnakağa waawanyaka ob mniciyapi.

Saturday, August 23

- 7: 00 a. m. Wotapi wakan icupi. Bishop Beecher yuwakan, qa Rev. Robert Frazier, Rev. J. B. Clark, Rev. H. H. Whipple, hena okiyapi. Icupi kin 180. Womnaye kin \$10.13
- 9: 00 a. m. Hinhanna wacekiyapi, en dena okiciya econpi, Rev. Dallas Shaw, Rev. C. H. Wolf, Rev. L. M. Rouillard, qa Rev. Paul Barbour. De ohakam Bishop napin Wicayusutapi econpi, qa 60 sam iyeya pa awicaputakapi. Hehan Bishop Burleson icipaweğa wicaqu. Wicohan wan okna wanna inajinpi kin heon Bishop iapi ewicakiya, qa icipaweğa wan napin unpi kte kin he taku kapi kin owicakiyaka, heon token iciconzapi kin ohinni kiksuyapi kta kewicakiya.
- 10: 00 a. m. Convocation eyotanka. Wicacaje yawapi. Hekta woecon kin yawapi ſni. Hehan Rev. John Flockhart he ake Dakota Wicaša wakan tamazaska awanyakin kta kalinigapi. Rev. John Clark Convocation tamazaska awanyake qon ake kalinigapi. Hehan oi-

Continued on Next Page—2d Column

WINYAN OMNICIYE

Pine Ridge Reserve ekta August 22-24, 1924 ehan Convocation econpi qon iennhan iſ eya Winyan kin Omniciye tona owecihan econpi.

Oto'ahey oiyaye kin en Bishop Burleson Omniciye kin wocekiye on yugan, qa Odowan 126 kin he ahiyayapi. Bishop Beecher, Western Nebraska etanhan kin he wicoie waſteſte on Winyan kin wowicakiyake. Hehan Mrs. Roberts wokdake qa Miss Mary B Peabody wiyohinyanpata yin kte cin on dehan omniciye de en hi kta okihi ſni kin on icante ſica keya okiciyake, tka hececaſa iyuha cantewaſteya wicakiksuya he okiciyake. Hehan Winyan Omniciye tona hipi kin cajewicayatapi.

Hehan Mrs. Holmes Winyan tawakeya kin he on Winyan Omniciye otoiyohi kaſpapi zaptan eknakapi qa heon tuktetkiya yeyapi kte cin hena on wokajuju kta keya.

Hehan Mrs. Williamson Wakeya tamazaska awanyake cin he oikdake qa Pine Ridge Agency ekta Wakeya yeye cin he mazaska ake ſakowin sam kaſpapi ſakowin sam okiſe keya, qa tona dehan yuha un kin he \$32.79 henakeca keya.

Hehan Wakeya on Winyan omniciye iyohi Okiſe kte eyapi kin he mnayanpi qa decen eknakapi.

Cheyenne Mission.....	\$3 50
Crow Creek Mission.....	2 50
Pine Ridge Mission.....	4 50
Pine Ridge, Corn Creek.....	2 50
Rosebud Mission.....	3 75
Santee Mission.....	1 50
Standing Rock Mission.....	4 00
Yankton Mission.....	1 50
Mrs. Nichols, Standing Rock.....	5 00
Bishop Beecher.....	50

Ataya.....\$29 25

Hehan Mrs. Darling, Hampton Va. etanhan kin he wokdake qa unkiepi un kin he nina icante waſte keya, qa woiyopaſtake wicoie waſteſte unqupi qa nakun mazaska wicemna nom sam zaptan Winyan kin wicaqu, qa tukten iyokipipi kinhan en mazaska kin de idag-yapi kta keya, qa iyecen Tipiwakan tona tatekawanke qa dehan piya kalhayapi kin hetkiya on wawokiyapi kta ikduſtanpi.

Hehan Mrs. Burt Wotapi wan Winyan kin wicaqu kin he yawapi qa iyuha nina icante-waſtepi: Qa Mrs. Lambert qa Mrs. Ellis hennios wowapi kin he ayuptewicapi, qa Anpetu wakan hitayetu qonhan wowapi kin he kagapi.

Hehan Mrs. Frank Lambert, he wokdake qa St. Mary's School he cajeyata, Tipi wan uina waſte qa oiyokipiya hau, qa en Wicemna wicemna tob wahecetuya unpi. Tanyan awanwicayakapi qa tanyan unpi, qa Waonspe qa wocekiye napin tanyan onspewicakiyapi keya.

Hehan Mrs. Ecowff, Pine Ridge etanhan kin he wokdake qa Church School, Anpetu wakan Waonspeiciyapi en Wawokiye cin he okdake, qa nakun decen eya. Tecapi kin dehan onspewicunkiyapi kin hena ohakan waniyetu ota kin ekta on icanteſin unkieyapi kte ſni ce, eya.

Continued on Third Page—3d Column

ANPAO.

(THE DAY BREAK)

SANTEE, - - NEBRASKA

REV. JOHN FLOCKHART, - - - } Editors.
REV. WILLIAM HOLMES, - - - }

THE DAY BREAK is published monthly in the interest of the Protestant Episcopal Church among the Sioux Indians of the Northwest.

The subscription price is 50 cents per annum and may be paid in Money Order or Two Cent postage stamps. Single subscriptions for six months, 25 cents.

Letter of Commendation

The tendency of THE DAYBREAK is to provoke to good works and to bind us together. It will be a special help to the scattered members of the Church. Beside other Church news, it will contain official notices and accounts official acts and visitations of the Bishop. It is hoped that our people will take it and circulate it

PRINTED at the office of the Santee Normal Training School Press, Santee, Neb.

ENTERED at the Post Office at Santee, Neb., as second class matter, and accepted for mailing at special rate of postage provided for in Section 1103, Act of October 3, 1917, authorized May 17, 1920.

Wotanin-waste Ayapi On Wocekiye

*Anpetu iyohi wicokaya hee cinhan he-
yapi kta:*

Wanikiya waste isto wacantkiye nitawa kdu-gad, canicipaweğa akan otkeyahan yaun qon maka akan wicaşa unpi kin owasin Niye ekta etonwanpi qa niwicayapi nunwe. AMEN.

WAKANTANKA Iyotan wasake cin, Woksapi ed Itancan kin, Woksapi Nitawa kin ed Itanipi kin nakun sanpa yewicayaşi kta e onşiciya iceun-niciyapi: hecel Waawankdake wicaka qa wacin-yepica heca iyenakecapi kin on Okodakiciye wa-kan nitawa kin iyuşkin kta, na Nitokiconze waşte oicago tawa kin yutankapi kta; Jesus Christ, Itancanunyanpi kin he eciyatanhan. AMEN.

O WAKANTANKA, tuwe wicawe wanjina ou, wicaşa oyate hiyeye cin owasin maka kin owan-caya etipi kta e wicayakaşe cin, qa tona itehan-yan qaiş ikiyena unpi kin, wookiye owicakiya-kin kta e Nicinea waste uyaşi qon; wicaşa owa-sin onidepi qa iyenianpi nunwe. Oyate kin optaye nitawa kin opewicakiya ye, qa Ikcewic-aşa kin wokiconze nitawa kin ekta awicakdi ye. Tona wicayeco kin ecana wicaduecetu, qa nitoki-conze kin kohanna nyakiyin kta iceunniciyapi; Jesus Christ Itancanunyanpi kin he eciyatanhan. AMEN.

O ITANCAN, tona nunipi kin hena awicayakite qa niwicayayin kta e yahi kin, qa malipiya ekta qa maka akan wowaşake ataya niçnpi kin, tona econwicayaşi kin eciyatanhan, wicaşa otoiyohi Wotanin Waste kin owicakiyakapi kta e iyayapi kin on Okodakiciye wakan Nitawa kin woce-kiye eye cin nayahou kta e iceunniciyapi. Ta-ku wokokipe en ipi kin owasin etanhan ewica-yaku maza puza; wokokipe kin etanhan, mi-ni wokokipe kin etanhan; makoşica on wicaye cin etanhan; şicaya wicakuwa toohitike kin etanhan; wocetunkda qa inahipi etanhan: wo-waciniboşake qa owodutaton kin etanhan; qa oiyokpaza itancan iciconzapi kin owasin etanhan ewicayaku ye. Qa wojupi qa miniakaştan-pi kin icunhan wacage cin, Niye, O ITANCAN, uwicakiciya ye. Ikcewicasa wicota hein omna-wicaya ye, Christian tamakocepi kin ekta tona wowanikiye hinsko tanka aktapi şni kin hena wicayuhomni ye, hecel, O Maka Wanikiya wa-onsida kin, Nicaje yatanpi kta qa Nitokicon-ze u kta; Niye, Ateyapi kin qa Woniya Wakan kin ob woynonihan qa wowitan duha, nunwe, maka owihanke wamin. AMEN.

Wotapi Şni Itokam Wocekiye Wan

O ITANCAN, wopida unniçupi. Wotektekda-pi kin wodwicaya ye, qa wicaşa owasin, maka sintomniyan, Wiconi Aguyapi ni un kin Ma-lhipiya eciyatanhan hi kin he odepi qa iyeyapi kta e iceunniciyapi. AMEN.—Anpao etanhan.

Grace Before Meals

THANKS be to Thee, O Lord. Feed the han-
gry, and grant that all men, every where, may
seek and find the Living Bread which cometh
down from Heaven. AMEN.

SOUTH DAKOTA NIOBRARA DEANERY CONVOCATION WOECON KIN

Continued from First Page

kdakapi (Reports) he iyehantu. Rev. John Flockhart Dakota Wicaşa wakan tamazaska awanyake cin report kdawa, nakun Anpao Kin he awanyaka heon report kdawa. Qa dena, report kin iwankiciyakapi kta on, itancan kin wi-cakahniga. Wm. Whipple, Dominick Longbull qa Amos Ghostbear.

Hehan Rev. Joseph Dubray ake Anpao Kin wanna ayuştanpi kta iyehantu ke-ya wokdaka qa South Dakota Church-man heceena unpi kta, cya. Tka dena Anpao Kin iciyapi wokdakapi, Henry Standingbear, Rev. John Flockhart, Thomas Arrow, Wm. Shell, qa Cle-ment W. Soldier. Heceknana yuhapi kta cyapi. Hehan token okiyapi kta iwokdakapi. Rev. Joseph Goodteach-er he tiyata Woşnakaga waawanyaka unpi hena taoyatepi opetonwicakiyapi kta qa tiyata iye tuwewe de on nakun wamayewicakiyapi kta hecen cajeyata qa Rev. P. J. Deloria okiya qa yuştan-pi.

Hehan Convocation fund mazaska a-wanyake cin Rev. John Clark report kdawa. Qa dena iwanyakapi kta on Itancan kin wicakahniga, Rev. H. H. Whipple, Dennis Buck qa Melvin Lodge.

Hehan mazaska ahipi kta iyehantu qa dena mazaska yawapi kta on itancan kin wicakahniga. Thomas Arrow, Rev. David Clark, Joseph Ellis, qa Ray W. Holmes.

Mazaska yawapi icunhan, hekta Con-convocation qon heehan oyanke iyohi ma-zaska wicemna tukten Convocation yuhapi eca en on wawokiyapi kta yuştanpi qon, heon dena iyohi mazaska wicemna kdohipi, Cheyenne River Mission, Rosebud Mission, qa Stand-ing Rock Mission. Dena Rev. Dallas Shaw qupi qa on receipt wicagu.

5: 00 p. m. Htawacekiyapi. Qa he iyehan Rev. Mr. Johnson, Presbyterian wace-kiye wicaşa Pine Ridge makoce en Wo-tanin watşe on wowaşi econ kin, he wokdaka. Anpetu dehan tukten un-yanpi owasin canku he tokiya iyakde owa kdepiciyatanhan icimanipi hena tokiya yapi sdonyapi heon is cya iye-cen Okodakiciye wakan he Canku kin pazo. Hekta omaka ota elan nahan-hein Dakota kin watokdapi tka canku teca wanyakapi hehan ota okna hiyupi qa wocekiye tawaskuyeca kin anpetu dehan wanunyakapi, cya.

7: 30 p. m. Convocation waeconpi. Wicacaje yawapi şni. Hekta waeconpi yawapi şni. Itancan kin wica mazaska tona ahipi kin yaotanin qa denakeca keya, \$878.72

Hehan Paul Eaglebull woawacin wanji pazo qa iye tokaheya iwokdaka, wa-kankiciyuzapi kdujujupi hec. Wica-şa wakan hena de taku kin sanpa aton-wanpikta iyecetu. ikdujujupi nina ota aye cin on Wocekiye iyuşica, qa Wo-cekiye he Tiwahe yucretu najin kta he wicohan tawa, keya. John Dogeagle, Thomas Arrow, Dominick Longbull, James Wright, John Keeble hena na-kun cajeyatapi. Thomas Arrow he ta-ku kin de cajeyate pica şni, keya. Mr. Keeble, wicohan de iye Bishop iyowoja qa Convocation kin he nape en yeye kta kipi şni, qa on taku yuştan okihi şni, keya. Hehan itancan kin, Bishop qa Archdeacon hena wicohan de iye yuha şkanpi kta qa he en etonwanpi kta he-epi ce cya. Hehan Henry Standing-bear woawacin de pazo. Dakota wi-caşa wakan tawomnaye kin he yuwa-şakapi kta iyecetu, qa John Dogeagle okiyeva nakun cajeyata, Louis Loud-ner is taku kin de tipi wakan iyohi en wica unpi kin hena de on iyowicapaşta-kapi kinhan tanyan kta, keya. Qa

Joseph Ellis he, tiyata wicohan kin de en etonwanpi kta iyecetu, cya. De on vote econpi qa tiyata de on sanpa wo-waşi econ wicaşipi kta yuştanpi.

Convocation fund report iwanyakapi Committee kin report kin hecetu keya kdaotaninpi. Nakun Dakota wicaşa wakan mazaska awanyaka report iwan-kiciyakapi kin hecetu keya kdaotanin-pi.

Sunday, August 24

7:00 a. m. Holy Cross tipi wakan teca yuştan-pi kin yuwakanpi. Bishop napin, Archdeacon qa Woşnakaga zaptan hena Bishop tipi wakan yuwakan wocon kin okiyapi. Wotapi wakan icupi, hanke tankan iyohanzi en Wotapi wa-kan icupi. Tipi wakan mahen Bishop Burleson Wotapi wakan yuwakan. Icupi kin 142. Womnaye kin \$12.48 nakun winyan wan Holy Cross maza-ska zaptan qu keya qa wakşica en oknaka, ataya \$17.48. Iyohanzi en Wotapi wakan icupi, Rev. Dr. Wal-cott yuwakan, qa Rev. Wm. Holmes, Rev. Joseph Dubray, qa Rev. John Flockhart hena okiyapi. Icupi kin 523. Womnaye kin \$22.67.

10: 30 a. m. Hinhanha wacekiyapi. Dena en wokdakapi, Bishop Beecher, Rev. Dr. Walcott, Rev. Dr. Davis, qa Bishop Burleson. Womnaye kin \$76.60 Wa-cekiyapi wocon owasin en dowanpi he nina oiyokipi qa dowan oşpaye wan wocekiye omniciye owasin en ho tanin-pi. Nakun wocekiye odowan toktoke-ca waşicun iapi oknayan ahiyayapi ecce. Qa dena dowanpi en watoka-hanpi. Julia Keeler, Rachel Keeler, Stella Holmes, Leona Dubray, Evelyn Lambert, Mrs. Redbuffalo, Mrs. Pugh Christian Whipple, John Williamson, Rev. David Swan, qa Guy Lambert.

2: 00 p. m. Wica mnicciyapi. De en Dr. Ash-ley Mission Council yuhapi kta iyecetu hanskeya wokdaka.

4: 00 p. m. Rev. Amos Ross yuonihanbi. De on itancanyan wokdake kin he Clarence Threestars hec. Qa Henry Standing-bear nakun iapi eye qa mazaska mna-kiyapi hena qu. Hehan wica qa win-yan ota şina qa candojuha qa taku wa-şteste ota, qa mazaska koya kahipi. Opeya Bishop Burleson nakun maza-ska qu. Qa Bishop Beecher Western Nebraska etanhan mazaska \$25.00 kahi qa qu.

8: 00 p. m. Optenyena Convocation waeconpi. Tokata tukten Convocation mnicciyapi kta hecinhan qa tuwe omniciye hiyohi hecinhan wanna cyapi kta iyehantu. Tuwena omniciye hiyohi şni. Heon iye Bishop tukten cin kinhan hen mni-ciyapi kta cyapi qa yuştanpi.

8: 30 p. m. De iyehan Bishop qa Archdeacon kici omniciye hipi ataya ob ehake mni-ciyapi. Bishop tona hipi kin hena tan-yan unpi qa tanyan wotapi kta iyehantu wopida eyapi wicakiciyaotanin.

De iyohakam dena Bishop Catechist wicakağa, Patrick Shield, Rev. P. J. Deloria ihukuya, George De Cory, Rev. John Clark ihukuya; Wilson Knece, Robert Whiteplume, Harry Littlesoldier, Rev. Neville Joyner ihu-kuya; Daniel Redeyes, Allen Last-horse, qa George Poorbear, Rev. Dal-las Shaw ihukuya.

Hehan womnaye owasin Bishop yaotanin. Winyan kin tona ahipi kin \$3,943.29. Wica tona ahipi kin \$878.72. Brotherhood Christian Unity, ti-pi wakan tate ihangye cin piya kağapi kta on wawokiyapi \$196.32. Woceki-ye omniciye owasin en wakşica okna wamaynanpi yuwitaya \$167.22. Dena owasin wakanawoşnapi akan Bishop eknaka qa Wopida wocekiye cya. Hehan Convocation ihunnikiyapi.

L. M. Rouillard, Wowapi kaga.

Aanpo duha he. Duhe kte iyeececa

OWANCAYA OMNICIYE

Rosebud Mission Trinity Chapel,
Oct. 31, 1924.

3:00 o'clock Htayetu omnicie eyotanka, tokaheya Rev. J. B. Clark ptelyela Wocekiye econ.

Hehan wanna omnicie yankapi wicacaje glohipi na wacajeyatapi na 29 hipi na agluptapi.

Hehan Mr. Isaac Bear, okawinli wannaye kin \$1.12 mnayan.

Hehan Chapel na Station etanhan mazaska glohipi kin.

Mediator Chapel, Winyan kin.....	\$6 00
St. Peter's Chapel " ".....	4 25
St. Mathews Chapel " ".....	2 15
Trinity Chapel " ".....	2 10
St. Philips Chapel " ".....	85
St. Marks " ".....	85
St. John Baptist " ".....	1 00
St. James " ".....	1 10
St. Philips Chapel Wica kin.....	61
Bishop Hare Wokiksuye on.....	1 50
Church of Jesus etan.....	1 10
St. Mathews etanhan wica kin.....	2 40
Little Helpers O'kreek.....	50
Trinity Chapel wica kin.....	1 53
Little White River Okaſpe 4 etan.....	1 30
St. John Baptist etan wica kin.....	55
Mediator Chapel etan wica kin.....	2 75

Ataya mazaska ahipi kin mazaska awanyaka icu kin, \$23.00 ohakab ahipi kin \$7.90 lena Mr. Clark icu. Ataya yuwitaya, \$30.90.

Hehan Chairman kin iapi tiyopa yuſan tuwe taku eyin kta hecin woglak wicaſi.

Mr. Jas. Rail Road hekta omnicie woſtanpi kin lel yanke ſni heon taku oeye ſica keya.

Hehan wawicaſipi kin oglakapi Geo. Decory Owancaya omnicie tawoope iwanyag wicaſipi Committee un kin oglaka. Woepe kin hena wanna maza aglihpeyapi kta egnakapi ca tokſa enakiyapi ſnihan nakihonpi kta keya.

Hehan Anpao na South Dakota Churchman wotanin wowapi kin yuotapi kta cinpi na iwoglakapi kta iyececa Mr. Jas. Railroad. keya na Geo. Decory okiya hecel cinpi kin 27 na cin ſni kin tuwena ſni. Iwoglakapi kta yuſtanpi.

Mr. Jas. Railroad. motion kaſa na tiyata tipi wakan na Station ecel wica na winyan omnicie unpi kin wannakiyapi na on Anpao opetonpi kta keya.

Tuweni okiye ſni ecel wanna oape iyehantu heon Olowan 162 lowanpi na kignakapi.

Htayetu 7:00 p. m. Htayetu wocekiye econpi Mr. Clay Yellow Eagle na Chester Black Star hena cepi.

Ohakab Mrs. Lambert, na Mr. Jas. Rail Road, hena woiyopaſtake woeye kin on woglakapi, na hehan Olowan 134 lowanpi na enakiyapi kta icunhan Mr. Clark, okan kin on Young People oigluhapi kin el tanyan awanwicayakapi kta iyececa na heon wowahokonkiye eya, na ohokab ptelyela wocekiye na Woyawaſte eye na enakiyapi.

Saturday morning, Nov. 1, 1924, 8:00 a. m. Hinbanna wocekiye na Okolakiciyapi Wakan kin econpi. Rev. J. B. Clark, na Rev. B. P. Lambert, henaos econpi, na Wotapi wakan icupi kin 43 henakecapi, na womnaye icupi kin \$2.19, henakeca.

Hehan wicacaje tona glohipi na hekta wicacaje kin piya yawapi na 38 ayuptapi.

Hehan ake Anpao na South Dakota Churchman wotanin wowapi kin yuotapi kta eyapi qon he ake iwoglakapi kta Mr. Clark eye na le on James Rail Road. wacajeyate qon he hecetulake na on inonpa yuha keya na on woiyonge na hecel cinpi kin 27, na cin ſni kin 14, Mr. Rail Road, wacajeyate kin ogna yuſtanpi.

Hehan Mr. Daniel Red Buffalo motion wan kaſa na tiyata Chapel na Station ecel winyan na wica omnicie oyasin Anpao kin on womnaye wan yuhapi kta na he Anpao tawomnaye ecipyapi kta na leon omaka opta womnaye econ yankapi kta na Convocation ekta aipi na hena Anpao tawomnaye kin el okiyapi kta eya na Mr. Louis Greenwood okiya, le on Mr. Clark sanpa wawokahinih ya cin on woglakapi icunhan wanna 12 o'clock, noon time. Mr. Clark, noon prayer na Woyawaſte hena econ na enakiyapi.

Saturday 2:00 p. m. Ake omnicie eyotanka. Mr. Isaac Bear ptelyela wocekiye econ.

Hehan wanna Mr. Red Buffalo motion tawa kin on woiyunge kta yanke kin on wancakna itancan kin wawinyunga na Anpao tawomnaye yukin kta eye kin ogna cinpi kin 32, na cin ſni kin 3 hecel womnaye yukin kta yuſtanpi.

Hehan South Dakota Churchman na Anpao yuotapi kta woyuſtan nonpa kin he Wowapi kaſe kin okaſe etan kagin na hena okaſpe iyohi yuha glapi kta Mr. Todd Smith cajeyata na heon Mrs. Lambert na Mr. Clark inſ eya hecetu lakapi kin on Itancan kin wowapi kaſa okiyin kta wanji olote, na Mr. Chas. Denoyer he olota na woſtanpi nonpa kin hena okaſe kin kaſapi na okaſpe ecel yuha glapi kta ca econwicaſi. Hehan Olowan 137 lowanpi na kignakapi.

8:00 p. m. Htayetu kin el Koſka itancan na Wawokiya oyasin wocekiye econpi na ohakab ake omnicie yankapi.

Committee Woepe maza aglihpeyapi kta egnakapi kin hena tokel econpi kta iwoglakapi.

Mr. Lambert wacajeyate woepe hena tohan yuſtanpi hecin mazaska awanyake kin kajuju kta na woepe wowapi na tuwe cin kin opeton kta wiyopeyapi kta eya na le yuſtanpi.

Hehan Mr. Red Buffalo wacajeyata Owancaya omnicie wowapi kaſe kin he taku lica wanji on tokata omnicie ekta i okihi ſni hecin wowapi kin hena tokel okihi kin ogna omnicie ekta yeyin kta eya na he okiyapi na yuſtanpi.

Lel enakiyapi kta un Olowan 93 he lowanpi na Rev. Stephen King, Woyawaſte eye na enakiyapi.

Sunday, Nov. 2, 1924, 7:30 a. m. Okolakiciyapi wakan kin econpi Rev. Stephen King, Wotapi wakan kin yuwakan na Rev. B. P. Lambert okiya. Wotapi wakan icupi kin 28 icupi womnaye kin \$2.23 henakeca. Olowan 167 lowanpi na enakiyapi.

10:00 a. m. Ake Wotapi wakan wocon kin Rev. H. Whipple, he yuwakan na Rev. J. B. Clark, na unmapi kin okiyapi, wacekiye hipi kin 177 na etanhan wotapi wakan icupi kin 93 icupi, na womnaye icupi kin \$5.37 henakeca. Olowan 134 he lowanpi na enakiyapi.

2:00 p. m. wacekiyapi Rev. Henry Whipple Rev. Lambert. Walter Williams na Isaac Bear hena wocekiye kin econpi. Rev. Henry Whipple Niobrara Course kin onspewicakiya. Olowan 123 he lowanpi na enakiyapi.

7:30 p. m. Htayetu ake owancaya omnicie iyotankapi. Tokaheya Rev. John Clark na Rev. Stephen King, hena ptelyela wocekiye econpi.

He ohakab tuwe taku eye kta tiyopa yuſtanpi.

Hehan Rev. Henry Whipple, Nation Wide Campaign on wawiyopaſtake na taku Okolakiciye wakan wocon yanke kin kiksuye wicakiya.

Hehan Mr. Red Buffalo, wacajeyate, owancaya omnicie tawoecon kin hena Anpao kin el oyakin kta ca tuwe wanji kaſiniſapi na he omnicie towoecon kin yuotanin kta eya na Louis Greenwood okiya na yuſtanpi.

Hehan wanna Wicaſa kaſiniſapi na Mrs. Lambert, he Mr. Red Buffalo he econ kta eya na Mrs. Kimmel okiya na he yuſtanpi.

Hehan Anpao on woyuſtan nonpa kin on okaſe kin wowapi kaſe kin wicakikpamni.

Hehan wanna omnicie kin tuwe hecin hiyohi hecin Chairman kin wawinyunga, kta tuweni hiyohi ſni.

Hehan tokata omnicie kte kin he omnicie yanke icunhan tukte el yin kta keye kin he el omnicie kin yin kta eyapi na he yuſtanpi.

Hehan tukte el yin kta iyecetu kin he Church of Jesus, na Holy Innocents, na St. Mathew's, hena kaſiniſapi, na hena okiciyapi na woiyunge na St. Mathew's, Horse Creek kin he wicota najinpi on yuſtanpi. Olowan 162 lowanpi na enakiyapi.

Monday, Nov. 3, 1924. Wanna omnicie enakiyapi kta iyehantu. Rev. B. P. Lambert ptelyela wocekiye econ na oyate kin sanpa bliheiciyapi kta na tokata omnicie kte kin on iyowicapaſtake.

Hehan Olowan 162 he lowanpi na Tipi wakan itankal enajin na Olowan. Oape iyohi, he lowanpi na Rev. B. P. Lambert. Woyawaſte eya hehan nape kiciyuzapi na enakiyapi.

Harrison Menard, wowapi kaſa okihe. Wayuotanin kin: Daniel Red Buffalo.

WINYAN OMNICIYE

Continued from First Page

Hehan Mrs. Mitchell, Santee etanhan kin he wokdake ca Santee ekta Winyan yuwitaya Omnicie kin he iwokdake ca nakun St. Mary's School he cajeyata Owaonspekiye kin he Wicincapina kin taku waſte ecawicakicon kin he cajeyata, qanakin iſ iyelca St. Mary's School en ehanna onspeiciye cin he etanhan Wakantanka wicada qa Christian wicaka heca un kta iyuteya ſkan ecee kin hena hetanhan onspe keya.

Hehan Deaconess Carter, Nevada etanhan kin he wokdake ca Nevada ekta Ikewicacaſa unpi kin wicakna token Okodakiciye wakan kin wowaſi econ kta ſkan kin he oyake ca dehan den hi kta okihi qa hi kin he nina icantewaſte keya, qa Dakota kin Okodakiciye wakan en tohanyan onnyanpi wanyake cin hena nina iyokipi qa taku tona nahon qa wanyake cin hena kiksuye wacin qa hena tiyata ki kinhan oyake kta keya.

Hehan Mrs. Holmes wokdake ca Pine Ridge Winyan kin omnicie hipi kin nina tanyan woyute qa takukeſa iyuha en tanyan wowa-wokkiye econpi kin hena on wopida ewicakiya, qa nakun Church School he iwokdaka, qa nakun Niobrara Courſe he iwokdaka, qa woon-spe kin he tona onspeiciyapi kin he en wowa-wokkiye tanka, heon sanpa nina en etonwanpi kta iyececa keya.

Hehan Mrs. Red Lightning, Greenwood etanhan kin he wokdake ca Inhanktonwan Winyan kin tanyan Winyan omnicie econ ſkanpi kin hena oyake.

Hehan Mrs. Cadotte, Standing Rock etanhan kin he wokdake ca iſ eya token Winyan omnicie awapi kin tantanyan wowaſi econ ſkanpi kin hena oyake.

Hehan Mrs. Yellowhair, Greenwood etanhan kin he wokdake ca. Hekta kin Rev. Charles S. Cook oyauke den un kta qon oyauke dena dehan wanyake cin on icanteſica keya, tka akeſ oiwanyake waſte kin oknayan iwanyaka unkan Sunkaku kin de wowaſi tawa kin eciyatanhan dehan wicota Okodakiciye wakan kin opa unpi, qa tawowaſi kin yuha ſkanpi wanyake cin hena on icantewaſte keya.

Hehan Mrs. John De Cory, Rosebud etanhan kin he wokdake ca iſ eya Winyan Omnicie tiyata tanyan waecon ſkanpi kin hena oyake.

Hehan Mrs. Marshall, Mrs. Long Bull Mrs. Charging Thunder hena nakun tantanyan wokdakapi.

Hehan Mrs. White Eagle, wokdake ca Pine Ridge Winyan kin tanyan woyute qa takukeſa iyuha en wawokiyapi kin hena on wopida ewicakiye.

Hehan Mrs. Trudell Santee etanhan kin he wokdake ca Bishop Burleson wayazanke cin wanna tanyan akisni qa unkiyopeyapi un kin heon icantewaſte qa pida keya.

Hehan wikoſkanaka wanji wayazanka e ta wowapi wan yawapi qa omnicie de en opa cin tka okihi ſni, tka eqeſ wanna wayazan kin asni aya keya qa heon wopida woſnapi on Dakota Wicaſawakan tawomnaye kin hen Mazaska zaptan wicaqu keya.

Haban Mrs. Ross, wokdake ca Winyan kin wicohan waſte kin sanpa econ ſkanpi kta woiyopaſtake wicoie wicaqu.

Mrs. Whirlwind Soldier, Rosebud etanhan Mrs. Hunter, Greenwood etanhan, Mrs. Wright, Rosebud etanhan, qa Mrs. Londner, Crow Creek etanhan hena nakun iapi waſteſte on wokdakapi.

Hehan Mrs. American Horse, Pine Ridge etanhan kin wokdake ca Convocation kte cin on token ikduwinyeyahan wowaſi econ ſkanpi kin hena okdake.

Hehan Mrs. Lambert wokdake ca Miss Mary B. Peabody omaka ota Winyan kin ob wowaſi econ qa Wacinyepica ikdutanin kin hena iwokdake. Tuwa tona waſtepi qeya tecapi qonhan unkiyepi ekta hipi qa ukioyepi unpi qa ecen pehinsansan qa kan ayapi eſa inihanſni nahauheiu wowicake canku Wakantanka ekta oiyakde kin he wanyaka okihi heca unakagapi kta e iyuteya ſkanpi ce eya.

ſinna, qa Wakanheja taſinna tona wiyopekiyapi qa mazaska kin hena on Tipiwakan tona tatekawanka qa dehan piya kaſi ſkanpi kin he on wawokiyapi kta e heconpi.

Concluded on Last Page—Last Column

THE DAYBREAK

November-December, 1924.

Bishop Tuttle Memorial and Endowment Fund

The national campaign for the Bishop Tuttle National Memorial and Endowment Fund will open on October 12th and continue until the end of the month. A Children's Campaign will open the first Sunday of October. A national follow-up for special gifts for the campaign will be carried on in November. The Memorial is to be a building in connection with Christ Church Cathedral, St. Louis, which was Bishop Tuttle's Church for 37 years.

The Bishop Tuttle National Memorial is to serve the three purposes dear to Bishop Tuttle's heart, the national work of the Church, the Missouri Diocesan work and the community of St. Louis. Space will be offered the National Council of the Church for central meetings, conferences or as a substation for any branch of the work. Offices of the Bishop of Missouri and Diocesan officers will be located here. All Diocesan organizations will have headquarters. And lastly, it will be used to further the tremendous program of community work which has made Christ Church Cathedral a great center for civic good in the heart of the city. Swimming pools, club and class rooms, a gymnasium, little theatre and auditorium will be included in the new building.

All of St. Louis is prepared to help in erecting the Memorial to the man who was for almost 40 years the Bishop of Missouri, and the loving and much loved citizen of the state and city. People of all creeds and no creeds mourned him when he died. On the campaign committees for his Memorial are leaders in the Roman Catholic and Jewish Churches as well as representatives of all Protestant Churches, prominent business men, the Governor of the State, the Mayor of St. Louis and many others.

From the country at large has come equal evidence of an eager desire to help in erecting the Memorial to the great Bishop whose early life was an epic in the civilization of the Northwest who at the age of thirty went out as the first Missionary Bishop to Montana with jurisdiction in Utah and Idaho with a territory of 300,000 square miles, who in the long years of his Episcopacy consecrated almost ninety bishops and who was for over 20 years the wise, fatherly Presiding Bishop of the Church in this country.

Over 50 Bishops and many prominent laymen will serve as Honorary Diocesan chairmen, and the National Council, Bishop Gailor, President of the Council, and Bishop Talbot, Presiding Bishop have given hearty endorsement to the Project to honor the man so dear to all.

The Bishop Tuttle Memorial headquarters are in the Arcade Building, St. Louis, and the treasurer is Clinton L. Whittemore. Anyone wishing to contribute to the Memorial Fund may do so through his parish organization, the children of his Church school, or by sending check direct to Mr. Whittemore.

Children of the Church Schools all over the country are to have an opportunity to contribute to the Bishop Tuttle Memorial, a box to be given to each child on the first Sunday in October with the request to earn or save a dollar during the month for the Memorial to Bishop Tuttle whose love for little children was one of his outstanding qualities. In his annual message to the children through the Spirit of Mission, he always signed himself "Your Commander-in-Chief", counting on the boys and girls as an army of valiant little soldiers for the Church's work.

The Tornado Vanquished

Bishop Burleson, in whose diocese of South Dakota a tornado destroyed six Indian Churches and wrecked others last June, now (October 1) makes the immensely gratifying statement that money and pledges received from a host of friends have fully assured them

of the total amount needed, \$15,000, and that "before the winter sets in we hope to have more of the destroyed churches restored and the injured ones repaired, and by the first anniversary of the disaster we ought to have them all again in use and in better condition than before the tornado."

Meetings of the House of Bishops and National Council, October 8-10

An important joint conference of the House of Bishops and the National Council took place on October 9 and 10. One hundred and three of the bishops were present, and all the members of the Council except three. The time was largely devoted to discussion of the church's program, its contents and the responsibility for its support. The discussions proved of great value and culminated in a number of recommendations to be considered and acted upon later by the National Council.

Previous to the joint meeting the House and the Council met separately. Three missionary bishops were elected by the House: the Rev. E. C. Seaman, Church of the Holy Comforter, Gadsden, Alabama, for North Texas; the Rev. A. A. Gilman of Boone University, Hankow, snuffragan of the District of Hankow; the Rev. E. P. Danridge, Christ Church, Nashville, Tenn., for Idaho, to succeed Bishop Touret, whose resignation, on account of ill health, had previously been accepted.

The resignation of Bishop Du Moulin coadjutor of Ohio, was also accepted, on account of ill health. Election of bishops for Nevada and Mexico was postponed.

At the council meeting resignations were received from four secretaries of the Department of Religious Education, Dr. Gardner, Dr. Bradner, Miss Hall and Mr. Micou; Dr. Gardner and Mr. Micou to accept rectorships in Boston and Philadelphia, respectively, Dr. Bradner and Miss Hall on account of ill health.

Reendorsement of the work of the Near East Relief was given by the National Council, who commended to all the clergy and laity of the Church Near East Relief program "which includes a threefold ministry to the bodies and minds souls of the little children."

At the meeting of the Department of Missions, sixteen new missionaries were appointed, four for the domestic field, three for Latin America, and nine for the foreign field.

The Church at work, the Church weeklies and doubtless many of the diocesan papers should be referred to for more detailed accounts of the meeting.

Diocesan Editors

The following are some of the recent change in the diocesan paper list.

The death of the Rev. Albert Martin, editor of the Mississippi Church News, occurred on October 1. There is not a paper that has reflected more devoted, patient, up-hill work on the part of the editor. His columns are classics for a midsummer issue. The name of the new editor has not been announced.

The Southwest Churchman of New Mexico has resumed publication under the Rev. Dr. J. T. Schieffelin, East Las Vegas, N. M. This is not to be confused with the Southwest Churchman of Little Rock, Arkansas, which represents the negro work in the Southwest Province.

The new editor of The Springfield Churchman is the Rev. J. C. Wright, Greenville, Ill.

Fire at Fort Yukon

The Rev. Dr. Grafton Burke and Mrs. Burke, of the Hudson Stuck Hospital at Fort Yukon, Alaska, escaped with only the clothes they were wearing when a fire destroyed the mission residence late at night on September 26. The hospital was not injured, but the mission family of fourteen, including nine orphans wholly dependent on the mission, were left homeless, with only the school building for a shelter, and the stores of supplies, food and winter clothing, were destroyed.

A more cheerful item from the same field records the marriage of Archdeacon Drane to Miss Rebecca Wood of Edenton, N. C., in Seattle in September.

ASHLEY HOUSE

Tipi kin de Springfield, S. D. en St. Mary's School icakda han. He okna tona tokata Wicaşa wakan hecapi kta iyececap kin hen onspeiciciyapi. Dehan Koşkanaka şakpe en onspeiciciyapi. Rev. John K. Burleson, D. D. he Bishop waşte unkitawapi Sunkaku kin hee he onspewicakiya qa nakun miye owakiya nina tanyan unpi jamni Inhanktonwanpi qa wanji Isanati qa wanji Holiboju qa wanji Nevada makoce ekta Ikcewicaşa obe wanji Pau-tes ewicakiyapi kin hetanhan. Tipi kin ena lipayapi qa ena okna onspeiciciyapi qa ena onspewicunkiyapi qa St. Mary's School en wotapi qa ohinhanna qa ohitayetu iyohi St. Mary's School en owacekiye tawapi kin Koşkanaka kin wanjiitokto Owacekiye kin he econpi. Qa nakun Miss Curtin St. Mary's School en Waonspekiya itancan kin he nakun onspewicakiya. Hektatanhan woyakapi qa Iapi Woonpe qa Owaoyakapi qa Oyawawoonpe qa Owakdoaya woonpe hena onspewicakiya qa nakun iyokookna onge Normal School ekta onspeiciciyapi hecen Wokaonspe woikduwiyea tanka en nina tanyan unpi. Hekta unkupi kin Dakota Koşkanaka wanji-gji Wicaşa wakan wicohan kuwapi kta oiye-hantu yukanpi keş tokiya qa tuktetu kta tan-inşniyan unqonpi tka wanna dehantu kin Bishop waşte unkitawapi tawiyukcan waşte kin on oyanke wan en heca on oikduwiyea kta ekde kin de on tokatakiya eyatonwanpi qa woekiye oeye nitawapi kin en Koşkanaka kin dena wicayeksuyapi qa cewicayeci-yapi kte cin he hecetu. Springfield otow- we nina waşte Isanati tipi kin etanhan Mini-şoşe ikoakatanhan hehan han, Otonwe de ahicagapi wahoban is eya Isanati kin ikoakatanhan ahiwicaknakapi qa wakeya cee otipi, qa icunhan Springfield is wazitipi tona wanna ahicagapi tka nahanhein okiwawapi şni ecen Isanati kin wicaceje wanji qupi, qa "Tipizina" eya caştonpi. Otokaheya wicaşa tona otowwe de ahicagapi kin nahanhein onge ni-unpi. Bishop Hare nakun South Dakota ataya qupi şni itokam omaka nom otowwe de en ti. Otonwe kin de en South Dakota Woonspeti-pi tawa Normal School he wanji den han qa Public School oyate owayawa qa St. Mary's School hena ee qa nakun Candowankiyapi woonpe henakena en woonpe otowwe kin de iojuna hiyea. Hecen nakun tuwe wayawa şni ikceya otowwe canku okna omani un eşa nakun woonpe aihpeyapi kta iyececu hehan-yan.

WILLIAM HOLMES.

WINYAN OMNICIYE

Continued from Third Page

Miss Dickson he Wakanheja taşima heca yamni wicaqu, qa hena wiyoeyapi qa is eya mazaska kin hena tipiwanan kahi şkanpi kin en on wawokiyapi kta keya.

Owankayujapi kin hehan Winyan maza-ska ahipi kin kdohipi.

Hehan Mrs. Ashley wokdake, qa tecapi kin is eya mniciyapi kta iyececa tka okan wanice cin he icanteşica keya.

Hehan Bishop Burleson wokdake, qa taku wanji cinpi e wanyaka keya, qa tecapi kin Wakeya wanji iwahowicaye, hecen Winyanpi kin he on wamnakiyapi qa mazaska wikcemna nom sam tob unayanpi qa hena Bishop Burleson qupi. Hehan Mrs. Roberts wokdake qa heya. Owokdake waşteste ota nannhonpi, hecen Wicohan waşte kin iyopte kte cin on iyuha witaya wowaşi econqonpi kta iyececa. Tona tecapi kin owicunkiyapi kte hena tokata kanpi kin tohepi kin oştanşan inajinpi kte.

Hehan ehake downapi, qa Mrs. Roberts wo-ekiye eye cin ohakam enakiyapi.

Maggie Ellis, Secretary.

OAPIICIYE

Crow Creek, So. Dak., St. Peter's Chapel, The Women's Aid elected these new officers during the month of October: Mrs. Nancy Call Him was elected for President, Mrs. Ida Call Him as Vice President, Miss Mary Rose Elk as Secretary, Miss Jennie White Mouse as Treasure, Mrs. Eliza Ross as Clerk, and Mrs. Helen Hawk and Mrs. White Mouse as Collectors. Miss Ruthanna Elk was elected Storekeeper. Please remember us in your Prayers.

Miss Mary Rose Elk.